

183. PLEUROTHALLIS RACEMOSA Cogn. majuscula, caespitosa; caulibus secundariis dense fasciculatis, robustis, teretiusculis, triarticulatis, folio satis longioribus, primum vaginis 3—4 majusculis inaequilongis tubulosis glabris laevibusque apice oblique truncatis et obtusis vestitis demum nudis; folio majusculo, carnosio, breviuscule petiolato, elliptico-oblongo, apice subrotundato et leviter emarginato interdum cum denticulo minuto interjecto, basi satis attenuato, univervio, nervulis lateralibus paulo distinctis; pedunculis communibus solitariis vel saepius geminatis, gracilibus, teretiusculis, glabris, fere usque ad basin densiuscule multifloris, folio multo longioribus, basi spatha parva triangulari-lanceolata glabra et laevi apice acuta inclusis; bracteis ochreatis, usque ad medium tubulosis, angustis, superne triangularibus, apice acutis, ovario aequilongis; floribus satis parvis, patulis, secundis, brevissime pedicellatis; sepalis membranaceis, subaequilongis, anguste lineari-elongatis, acutissimis, tenuiter trinerviis, non carinatis, utrinque glabris, lateralibus usque ad basin liberis antice leviter gibbosis; petalis lineari-ligulatis, apice rotun-

datis vel subtruncatis non callosis, uninerviis, margine integerrimis, utrinque glaberrimis, sepalo dorsali multo brevioribus; labello carnosulo, petalis vix longiore, brevissime angustaque unguiculato, utrinque glabro et laevi, ambitu ovato, leviter trilobato, lobis margine integerrimis, lateralibus paulo distinctis erectis late rotundatis, terminali triangulari acuto, disco intus nudo extus carnosulo-carinato; columna breviuscula, claviformi, clinandrio dorso producto unidentato antico utrinque subtiliter unidentato.

*Tabula nostra CX. Fig. 1 (habitus cum analysi).*

*Anathallis racemosa Barb. Rodr. ! Gen. et Spec. Orchid. Nov. I. 24 (1877), Struct. des Orchid. tab. 4. fig. 7.*

RHIZOMA breve, obliquum, satis gracile, teretiusculum, satis ramosum, creberrime articulatum, viride, radicibus numerosis, dense fasciculatis, subfiliformibus, elongatis, satis tortuosis, albescens. CAULES secundarii numerosi, erecti vel ascendentes, stricti vel plus minusve arcuati, laete virides, 6—12 cm. longi, 1½—3 mm. crassi; vaginae tenuiter membranaceae, arcte adpressae, tenuiter plurinervosae, pallidae, inferiores breves, superiores 2½—4 cm. longae. FOLIUM erectum vel erecto-patulum, siccitate coriaceum et rigidum, subplanum, nitidum, intense viride, 6—9 cm. longum, 2—3 cm. latum, nervo mediano supra profundiuscule canaliculato, subtus satis prominente; PETIOLUS robustus, supra profunde lateque canaliculatus, 1½—2 cm. longus. PEDUNCULI communes erecti, recti paulo flexuosi vel leviter arcuati, pallidi, 12—20 cm. longi; spatha basilaris rigida, arcte adpressa, crasse paucinervia, lateraliter satis compressa, dorso subcarinata, fuscescens, 8—13 mm. longa. PEDICELLI filiformes, erecti, paulo arcuati, 2—2½ mm. longi. BRACTEAE tenuiter membranaceae, scariosae, ad medium paulo dilatatae, glabrae, pallidae, 2—4 mm. longae. FLORES straminei vel albescens. OVARIUM lineari-clavatum, obtuse trigonum, glabrum, satis arcuatum, 2 cm. longum. SEPALA satis divergentia, paulo concava, leviter arcuata, basi vix dilatata, circiter 1 cm. longa, 1 mm. lata. PETALA erecta, tenuiter membranacea, subplana, paulo obliqua, inferne vix attenuata, 1¾—2 mm. longa, ¾ mm. lata. LABELLUM erectum superne leviter recurvum, valde concavum fere conduplicatum, tenuiter trinervium, 2—2¼ mm. longum, 1¼ mm. latum. COLUMNA erecta, satis incurva, inferne paulo attenuata, 1¾—2 mm. longa. CAPSULA calyce marcescente coronata, late oblongo-elliptica, acute triquetra, 11 ad 12 mm. longa, 4—5 mm. crassa.